

/վարչական տույժ նշանակելու մասին/

«17» ապրիլի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Մոհամմադ Ազիզի Այանի (անձնագիր՝ E52836481, ԻԻՀ, ք.Մարանդ, գ.Յամ) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2023 թվականի մարտի 17-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի և ՀՄՎ Մեղրիի մաքսային կետ-բաժնի աշխատակիցները համատեղ Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Մոհամմադ Ազիզի Այանի կողմից շահագործվող «HOWO» մակնիշի, 39AA123/124 պետհամարանիշի կիսակցորդով բեռնատարը, ինչի արդյունքում, նշված բեռնատարի վարորդի խցիկի վերևի հատվածից՝ երեսկալի տակ և բեռնախցիկի տակ նախապես պատրաստված գաղտնարաններից հայտնաբերվել են մաքսային հսկողությունից թաքցված 140 լիտր դիզելային վառելիք:

Փաստի առթիվ 17.04.2023 թվականին ՀՀ ՊԵԿ ՄԴՊՎ ՍՏ բաժնի Մեղրիի բաժանմունքի մաքսային տեսուչի կողմից «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

Վարչական վարույթի շրջանակներում ԻԻՀ քաղաքացի Մոհամմադ Ազիզի Այանի կողմից մաքսային հսկողությունից թաքցրած ՀՀ մաքսային սահմանով տեղափոխված ապրանքի մաքսային արժեքը, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու նպատակով՝ թիվ 86

մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 234 մտից համարի տեղեկանքի համաձայն՝ 2023թ մարտի 17-ի դրությամբ 140 լիտր դիզելային վառելիքի մաքսային արժեքը կկազմեր **48190** ՀՀ դրամ, նույն տեղեկանքի համաձայն՝ ԵՏՀ Կոլեգիայի 21.04.2015 թվականի թիվ 30 որոշմամբ դիզելային վառելիքի նկատմամբ կիրառվում է ոչ սակագնային կարգավորման միջոցներ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

ԻԻՀ քաղաքացի Մոհամմադ Ազիզի Այանին այս գործի քննության վերաբերյալ ԻԻՀ, ք.Մարանդ, գ.Յամ հասցեին ուղարկվել է ծանուցագիր, սակայն փոստային ծառայության կողմից հետադարձ ծանուցումը հետ չի վերադարձվել:

Վարչական վարույթի շրջանակներում իհՀ քաղաքացի Մոհամմադ Ազիզի Այանի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Մոհամմադ Ազիզի Այանի վերաբերյալ տվյալներ առկա չեն:

ԻհՀ քաղաքացի Մոհամմադ Ազիզի Այանի անվամբ ՀՀ-ում գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Մոհամմադ Ազիզի Այանի վերաբերյալ տվյալներ առկա չեն:

Քաղաքացի Մոհամմադ Ազիզի Այանի սահմանահատումների պատմությունը ստանալու նպատակով՝ 17.04.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Մոհամմադ Ազիզի Այանը 12.04.2023 թվականին ժամը 17:29-ին Ագարակ պետական սահմանի անցման կետով անցել է իհՀ:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանք՝ այդ ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով»:

«Մաքսային կարգավորման մասին» ՀՀ օրենքի 332-րդ հոդվածի համաձայն համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Հիմք ընդունելով և ղեկավարվելով «Մաքսային կարգավորման մասին» ՀՀ օրենքի 313-րդ, 322-րդ, 332-րդ, 334-րդ հոդվածներով՝

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի քաղաքացի Մոհամմադ Ազիզի Այանին «Մաքսային կարգավորման մասին» ՀՀ օրենքի 313-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **1 000 000 ՀՀ դրամ**:

2. Որոշման մասին հայտնել քաղաքացի Մոհամմադ Ազիզի Այանին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 1 000 000 ՀՀ դրամ /մեկ միլիոն դրամ/, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ